





宋公明破
成功

國朝新編
宋史卷之...

宿太尉頒
恩降詔



李卓吾先生批評忠義水滸傳卷之八十九

第八十九回

宋公明破陣成功

宿太尉頒恩降詔

詩曰

一陣列混天排劍戟 四圍八面恠雲生 分分曜宿當
前現 朗朗明星直下橫 黃鉞白旄風內舞 朱幡
皂蓋陣中行 若非玄女親傳法 邊塞焉能定太平
話說當下宋江夢中授得九天玄女之法不忘一句便請
軍師吳用計議定了申覆趙樞密寨中合造雷車二十四
部都用畫板鐵葉釘成下裝油柴上安火砲連更曉夜催
併完成商議打陣會集諸將人馬宋江傳令各各分派

點按中央戊巳土黃袍軍馬戰大遼水星陣內差大將
員雙鎗將董平左右撞破皂旗軍七門差副將七員朱仝
史進歐鵬鄧飛燕順馬麟穆春再點按西方庚辛金白袍
軍馬戰大遼木星陣內差大將一員豹子頭林冲左右撞
破青旗軍七門差副將七員徐寧穆弘黃信孫立楊春陳
達楊林再點按南方丙丁火紅袍軍馬戰大遼金星陣內
差大將一員霹靂火秦明左右撞破白旗軍七門差副將
七員劉唐雷橫單廷珪魏定國周通龔旺丁得孫再點按
北方壬癸水黑袍軍馬戰大遼火星陣內差大將一員雙
鞭呼延灼左右撞破紅旗軍七門差副將七員楊志索超
韓滔彭玘孔明鄒淵鄒潤再點按東方甲乙木青袍軍馬

戰大遼土星主將陣內差大將一員大刀關勝左右撞破
中軍黃旗主陣人馬差副將八員花榮張清李應柴進宣
贊郝思文施恩薛永再差一枝綉旗花袍軍打大遼太陽
左軍陣內差大將七員魯智深武松楊雄石秀焦挺湯隆
蔡福再差一枝素袍銀甲軍打大遼太陰右軍陣中差大
將七員扈三娘顧大嫂孫二娘王英孫新張青蔡慶再差
打中軍一枝悍勇人馬直擒大遼國主差大將六員盧俊
義燕青呂方郭盛解珍解寶再遣護送雷車至中軍大將
五員李逵樊瑞鮑旭項充李袞其餘水軍頭領并應有人
員盡到陣前協助破陣陣前還立五方旗幟八面分撥人
員仍排九宮八卦陣勢宋江傳令已罷衆將各各遵依一

面僨造雷車已了裝載法物推到陣前正是計就驚天地
謀成破鬼神有詩爲証

五行生尅本天成 化化生生自不停 玄女忽然傳
法象 兀顏機陣一時平

且說兀顏統軍連日見宋江不出交戰差遣壓陣軍馬直
哨到宋江寨前宋江連日製造完備選定日期是晚起身
來與遼兵相接一字兒擺開陣勢前面盡把強弓硬弩射
住陣脚只待天色傍晚黃昏左側只見朔風凜凜彤雲密
布罩合天地未晚先黑宋江教衆軍人等斷蘆爲笛銜於
口中唢哨爲號當夜先分出四路兵去只留黃袍軍擺在
陣前這分出四路軍馬趕殺大遼哨路番軍繞陣脚而走

殺投北去初更左側宋江軍中連珠砲響呼延灼打開陣
門殺入後軍直取火星關勝隨即殺入中軍直取土星主
將林冲引軍殺入左軍陣內直取木星秦明領軍撞入右
軍陣內直取金星董平便調軍攻打頭陣直取水星公孫
勝在陣中仗劍作法踏罡布斗勅起五雷是夜南風大作
吹的樹稍垂地走石飛沙雷公閃電一齊點起二十四部
雷車李逵樊瑞鮑旭項充李袞將引五百牌手悍勇軍兵
護送雷車推入大遼軍陣一丈青扈三娘引兵便打入遼
兵太陰陣中花和尚魯智深引兵便打入遼兵太陽陣中
玉麒麟盧俊義引領一枝軍馬隨着雷車直遶中軍你我
自去尋隊廝殺是夜雷車火起空中霹靂交加殺氣滿天

走石飛沙端的是殺得星移斗轉日月無光鬼哭神號人
兵掩亂且說兀顏統軍正在中軍遣將只聽得四下里喊
聲大振四面廝殺急上馬時雷車已到中軍烈焰漲天砲
聲震地關勝一枝軍馬早到帳前兀顏統軍急取方天畫
戟與關勝大戰怎禁沒羽箭張青取石子望空中亂打打
的四邊牙將中傷者多逃命散走李應柴進宣贊郝思文
縱馬橫刀亂殺軍將兀顏統軍見身畔沒了羽翼撥回馬
望北而走關勝飛馬緊追正是饒君走上談摩天脚下騰
雲須赶上花榮在背後見兀顏統軍輸了一騎馬也追將
來急拈弓搭箭望兀顏統軍射將去那箭正中兀顏統軍
後心聽地錚地一聲火光迸散正射在護心鏡上却待再

此處都
形容得
好

射關勝赶上提起青龍刀當頭便砍那兀顏統軍披着三
重鎧甲貼裡一層連環鎖鐵鎧中間一重海獸皮甲外面
方是鎖子黃金甲關勝那一刀砍過只透的兩層再復一
刀兀顏統軍就刀影裡閃過勒馬挺方天戟來迎兩箇又
開到三五合花榮赶上覷兀顏統軍面門又放一箭兀顏
統軍急躲那枝箭帶耳根穿住鳳翅金冠兀顏統軍急走
張清飛馬赶上拈起石子望頭臉上便打石子飛去打的
兀顏統軍撲在馬上拖着畫戟而走關勝赶上再復一刀
那青龍刀落處把兀顏統軍連腰截骨帶頭砍着攔下馬
去花榮搶到先換了那匹好馬張青趕來再復一鎗可憐
兀顏統軍一世豪傑一柄刀一條鎗結果了性命堪嘆遼

國英雄化作南柯一夢有詩爲証

李靖六花人亦識 孔明八卦世應知 混天只恐無人敵 也有神機打破時

却說魯智深引着武松等六員頭領衆將納聲喊殺入遼兵太陽陣內那耶律得重急待要走被武松一戒刀掠斷馬頭倒撞下馬來揪住頭髮一刀取了首級兩箇孩兒逃命走了殺散太陽陣勢魯智深道俺們再去中軍拿了大遼國主便是了事也且說遼兵太陽陣中天壽公主聽得四邊喊起廝殺慌忙整頓軍器上馬引女兵伺候只見一丈青舞起雙刀縱馬引着顧大嫂等六員頭領殺入帳來正與天壽公主交鋒兩箇開無數合一丈青放開雙刀槍

入公主懷內匹胸揪住兩箇在馬上紐做一團絞做一塊

王矮虎赶上活捉了天壽公主顧大嫂孫二娘在陣裏殺

散女兵孫新張青蔡慶在外面夾攻可憐金枝玉葉如花

女却作歸降被縛人且說盧俊義引兵殺到中軍解珍解

寶先把帥字旗砍翻亂殺番官番將當有護駕大臣與衆

多牙將緊護大遼國主鸞駕往北而走送入幽州陣內羅

喉月孛二皇侄俱被刺死於馬下計都皇侄就馬上活拿

了紫炁皇侄不知去向大兵重重圍住直殺到四更方息

殺的遼兵二十餘萬不留一箇將及天明諸將都回宋江

鳴金收軍下寨傳令教生擒活捉之衆各自獻功一丈青

獻太陰星天壽公主盧俊義獻計都星皇侄耶律得華朱

全獻水星曲利出清歐鵬鄧飛馬麟獻斗木獬蕭大觀楊
林陳達獻心月狐裴直單廷珪魏定國獻胃土雉高彪韓
滔彭玘獻柳土獐雷春翼火蛇狄聖諸將獻首級不計其
數宋江將生擒八將盡行解赴趙樞密中軍收禁所得馬
疋就行俵撥各將騎坐且說大遼國主慌速退入幽州行
宮歇下急傳聖旨堅閉四門緊守城池不出對敵宋江知
得大遼國主退在幽州便教軍馬把幽州團團圍住令人
請趙樞密直至後營監臨打城宋江傳令教就幽州城下
團團豎起雲梯砲石扎下寨柵准備打城遼國郎主心慌
會集群臣商議都道事在危急莫若歸降大宋此爲上計
大遼郎主遂從衆議於是城上早豎起降旗差人來宋營

求告年年進牛馬歲歲獻珠珍再不敢侵犯中國宋江引
着來人直到後營拜見趙樞密通說投降一節年年進貢
歲歲來朝趙樞密聽了道此乃國家大事投降之事須用
取自上裁我未敢擅便主張你遼國有心投降可差的當
大臣親赴東京朝見天子聖旨准你遼國皈降表文降詔
赦罪方敢退兵罷戰趙樞密回了這話來人便回幽州回
復郎主奏知此事當下國主聚集文武百官商議此事時
有右丞相太師褚堅出班奏曰目今郎主兵微將寡人馬
皆無如何迎敵在於危急之際論臣愚意可多把金帛賄
賂以結人心微臣親往宋先鋒寨內重許厚禮一面令其
住兵停戰免的攻城一面收拾禮物逕往東京投買省院

不是軍城小吏

定是深川泊大強盜

諸官令其於天子之前善言啓奏。別作宛轉。目今中國蔡京童貫高俅楊戩四箇賊臣專權。童子皇帝聽他。四箇主。張可把金帛賄賂與此四人。買其講和必降。詔赦收兵罷戰。即主准奏。次日丞相褚堅出幽州城來。直到宋先鋒寨中。宋江接至帳上。便問丞相來意。何如。褚堅先說了國主投降一事。然後許宋先鋒金帛玩好之物。宋江聽了。說與丞相褚堅道。俺連日攻城不。愁打你這箇城池不破。一發斬草除根。免了萌芽再發。看見你城上豎起降旗。以此停兵罷戰。兩國交鋒。自古國家有投降之理。准你投拜納降。因此按兵不動。容汝赴朝廷請罪。獻納汝今以賄賂相許。覷宋江爲何等之人。再勿復言。褚堅惶恐。宋江又道。丞相

容汝上國朝京。取自上裁。俺等按兵不動。待汝速去。快來。汝勿遲滯。褚堅拜謝了宋先鋒。作別出寨上馬。回幽州城來。直至行宮。奏知國主。衆大臣商議已定。次日遼國君臣收拾玩好之物。金銀寶貝。綵繒珍珠。裝載上車。差丞相褚堅并同番官一十五員。前往京師。鞍馬三十餘騎。修下請罪表章一道。離了幽州。到宋江寨內。參見了宋江。宋江引褚堅來見趙樞密。說知此事。遼國今差丞相褚堅親往京師朝見。告罪投降。趙樞密留住褚堅。以禮相待。自來與宋先鋒商議。亦動文書申達天子。就差柴進蕭讓賈奏就帶行軍公文。關會省院一同相伴。丞相褚堅前往東京。於路無話。有詩爲証。

宋江傳 卷之八十七 七

戰罷遼兵不自由 便將降表上皇州 謙恭已不朝

宗義 螻蟻真貽敗國羞 剩水殘山秋漠漠 荒城

破郭月悠悠 金珠滿載爲忱質 水滸英雄志已酬

在路不止一日早到京師便將十車進奉金寶禮物車仗人馬於館驛內安下柴進蕭讓賞捧行軍公文先去省院下了稟說道卽日兵馬圍困幽州旦夕可破遼國郎主於城上豎起降旗今遣丞相褚堅前來上表請罪納降告赦罷兵未敢自專來請聖旨省院官說道你且與他館驛內權時安歇待俺這里從長計議此時蔡京童貫高俅楊戩并省院大小官僚都是好利之徒却說大遼丞相褚堅并衆人先尋門路見了太師蔡京等四箇大臣次後省院各

○會○說○見○成○話

官處都有賄賂各各先以門路餽送禮物諸官已了次日早朝大宋天子陞殿百官朝賀拜舞已畢樞密使童貫出班奏曰有先鋒使宋江殺退遼兵直至幽州臨敵圍住城池攻擊旦夕可破今有大遼國主早豎降旗情愿投拜遣使丞相褚堅奉表稱臣納降請罪告赦講和求赦退兵罷戰情愿年年進奉不敢有違臣等省院不敢自專伏乞聖鑑天子曰似此講和休兵罷戰仍存本國汝等衆卿如何計議傍有太師蔡京出班奏曰臣等衆官俱各計議自古及今四夷未嘗盡滅臣等愚意可存遼國作北方之屏障堪爲唇齒之邦年年進納歲幣於國有益合准投降請罪休兵罷戰詔回軍馬以護京師臣等未敢擅便乞陛 聖

李昇書抄言大清傳卷之八十九
五
鑑天子准奏傳聖旨令遼國來使面君當有殿頭官令
宣褚堅等一行來使都到金殿之下揚塵拜舞頓首山呼
侍臣呈上表章就御案上展開宣表學士高聲讀道

大遼國主臣耶律輝頓首頓首百拜上言

臣生居朔漠長在番邦不通聖賢之大經罔究綱常之
大禮詐文僞武左右多狠心狗行之徒好賂貪財前後
悉鼠目獐頭之輩小臣昏昧屯衆猖狂侵犯疆封以致
天兵而討罪妄驅士馬動勞王室以興師量螻蟻安足
以撼泰山想衆水必然歸于大海念臣等雖守數座之
荒城應無半年之積蓄今特遣使臣褚堅冒于天威納
上請罪倘蒙聖上憐憫蕞爾之微生不廢祖宗之遺業

四語實
是罵蔡
京等衆
人

是以銘心刻骨瀝膽披肝永爲戎狄之番邦實作天朝
之屏翰老老幼幼真獲再生子子孫孫久遠感戴進納
歲幣誓不敢違臣等不勝戰慄屏營之至誠惶誠恐稽
首頓首謹上表以聞

宣和四年冬月 日大遼國主臣耶律輝 表

徽宗天子御覽表文已畢堦下群臣稱善天子命取御酒
以賜來使丞相褚堅等便取金帛歲幣進在朝前天子命
寶藏庫收訖仍另納下每年歲幣牛馬等物天子回賜段
疋表裡光祿寺賜宴勅令丞相褚堅等先回待寡人差官
自來降詔褚堅等謝恩拜辭天子出朝且歸館驛是日朝
散褚堅又令人再於各官門下重打關節蔡京力許丞

相自回都在我等四人身上褚堅謝了太師自回遼去了却說蔡太師次日引百官入朝啓奏降詔回下遼國天子准奏急勅翰林學士草詔一道就御前便差太尉宿元景賁擎丹詔直往遼國開讀另勅趙樞密令宋先鋒收兵罷戰班師回京將應有被擒之人釋放還國原奪城池仍舊給還管領府庫器具交割遼邦歸管天子朝退百官皆散次日省院諸官都到宿太尉府約日送行再說宿太尉領了詔勅不敢久停君命准備轎馬從人辭了天子別了省院諸官就同柴進蕭讓同上遼邦出京師望陳橋驛投邊塞進發在路行時正值嚴冬之月四野彤雲密布分揚雪墜平鋪粉塑千林銀裝萬里宿太尉一行人馬冒雪攴

風迤邐前進正是雲橫秦嶺家何在雪擁藍關馬不前有詩爲証

太尉承宣不敢停 遠賚恩詔到邊庭 皚皚積雪關

山路 卉服雕題迓使星

雪霽未消漸臨邊塞柴進蕭讓先使哨馬報知趙樞密前去通報宋先鋒宋江見哨馬飛報便携酒禮引衆出五十里伏道迎接着宿太尉相見已畢把了接風酒各官俱喜請至寨中設筵相待同議朝廷之事宿太尉言說省院等官蔡京童貫高俅楊戩俱各受了遼國賄賂於天子前極力保奏此事准其投降休兵罷戰詔回軍馬守備京師宋江聽了嘆道非是宋某怨望朝廷功勳至此又成度

宿太尉道先鋒休憂元景回朝天子前必當重保趙樞密
又道放着下官爲証怎肯教虛費了將軍大功宋江稟道
某等一百八人竭力報國並無異心亦無希恩望賜之念
只得衆弟兄同守勞苦實爲幸甚若得樞相肯做主張深
感厚德當日飲宴衆皆歡喜至晚席散隨即差人一面報
知大遼國主准備接詔次日宋江撥十員大將護送宿太
尉進遼國頒詔都是錦袍金甲戎裝革帶那十員上將關
勝林冲秦明呼延灼花榮董平李應柴進呂方郭盛引領
馬步軍三千護持太尉前遮後擁擺布入城幽州百姓排
門香花燈燭大遼國主親引百官文武具服乘馬出南門
迎接詔旨直至行宮金鑾殿上十員大將立於左右宿太

尉立于龍亭之左國主同百官跪于殿前殿頭官喝拜國
主同文武拜罷遼國侍郎承恩請詔就殿上開讀詔曰

大宋皇帝制曰三王立位五帝禪宗無君子莫治野人
無野人莫養君子雖中華而有主焉夷狄豈無君茲爾
遼國不遵天命數犯疆封理合一鼓而滅朕今覽其情
詞憐其哀切憫汝惇孤不忍加誅仍存其國詔書至日
卽將軍前所擒之將盡數釋放還國原奪一應城池仍
舊給還遼國管領所供歲幣慎勿怠忽於戲敬事大國
祇畏天地此藩翰之職也爾其欽哉故茲詔示想宜知
悉

宣和四年冬月

日

當時遼國侍郎開讀詔旨已罷郎主與百官再拜謝恩行君臣禮畢擡過詔書龍案郎主便與宿太尉相見叙禮已畢請入後殿大設華筵水陸俱備番官進酒戎將傳盃歌舞滿筵胡笳聒耳燕姬美女各奏戎樂羯鼓塤箎胡旋慢舞筵宴已終送宿太尉并衆將於館驛內安歇是日跟去人員都有賞勞次日國主命丞相褚堅出城至寨邀請趙樞密宋先鋒同入幽州赴宴宋江便與軍師吳用計議不行只請的趙樞密入城相陪宿太尉飲晏是日遼國郎主大張筵席管待朝使葡萄酒熟傾銀瓮黃羊肉美滿金盤異果堆筵奇花散彩筵席將終只見國主金盤捧出玩好之物上獻宿太尉趙樞密直飲至更深方散第三日大遼

國主會集文武群臣番戎鼓樂送太尉樞密出城還寨再命丞相褚堅將牛羊馬疋金銀綵段等項禮物直至宋先鋒軍前寨內大設廣會犒勞三軍重賞衆將宋江傳令教取天壽公主一千人口放回本國仍將奪過檀州薊州霸州幽州依舊給還大遼管領一面先送宿太尉還京次後收拾諸將軍兵車仗人馬分撥人員先發中軍軍馬護送趙樞密起行宋先鋒寨內自己設宴一面賞勞水軍頭目已了着令乘駕船隻從水路先回東京駐扎聽調宋江再使人入幽州請出左右二丞相前赴軍中說話當下遼國郎主教左丞相幽西孛瑾右丞相太師褚堅來至宋先鋒行營至於中軍相見宋江邀請上帳分賓而坐宋江開話

是大是

道俺武將兵臨城下將至壕邊奇功在邇本不容汝投降
打破城池盡皆勦滅正當其理主帥聽從容汝申達朝廷
皇上憐憫存惻隱之心不肯盡情追殺如此容汝投降納
表請罪今獲大全吾待朝京汝等勿以宋江等輩不能勝
爾休生反復年年進貢不可有缺吾今班師還國汝宜謹
慎自守休得故犯天兵再至決無輕恕二丞相叩首伏罪
拜謝宋江再用好言戒諭二丞相懇謝而去宋江即撥一
隊軍兵與女將一丈青等先行隨即喚令隨軍石匠採石
為碑令蕭讓作文以記其事金大堅鑄石已畢豎立在永
清縣東一十五里茅山之下至今古跡尚存有詩為証
偽遼歸順已知天 納幣稱臣自歲年 勒石鑄銘表

也要如
此不然
謝讓金
大堅就
沒用了

功蹟 韻顏銅柱及燕然

宋江却將軍馬分作五起進發尅日起行只見魯智深忽
到帳前合掌作禮對宋江道小弟自從打死了鎮關西逃
走到代州鴈門縣趙員外送洒家上五臺山投禮智真長
老落髮為僧不想醉後兩番開了禪門有亂清規師父送
俺來東京大相國寺投托智清禪師討箇執事僧做相國
寺裡着洒家看守菜園為救林冲被高太尉要害因此落
草得遇哥哥隨從多時已經數載思念本師一向不曾參
禮洒家常想師父說俺雖是殺人放火的性久後却得正
果真身今日太平無事兄弟權時告假數日欲往五臺山
參禮本師就將平昔所得金帛之資都做布施再求問師

好點綴

父前程如何哥哥軍馬只願前行小第隨後便趕來也宋江聽罷愕然默上心來便道你既有這箇活佛羅漢在彼何不早說與俺等同去參禮求問前程當時與衆人商議盡皆要去惟有公孫勝道教不行宋江再與軍師計議留下金大堅皇甫端蕭讓樂和四箇委同副先鋒盧俊義掌管軍馬陸續先行俺們只帶一千來人隨從衆弟兄跟着魯智深同去參禮智真長老魯智深見宋江說要去參禪便道願從哥哥同往宋江等衆當時離了軍前收拾名香綵帛表裡金銀上五臺山來正是暫弃金戈甲馬來遊方外叢林雨花臺畔來訪道德高僧善法堂前要見燃燈古佛直教一語打開名利路片言踢透死生關畢竟宋江與魯智深怎地參禪且聽下回分解

李和尚曰突出智真長老一事真是匪夷所思公孫勝道是自家道士不來相見和尚俗殺俗殺

李卓吾先生批評忠義水滸傳卷之八十九

五臺山宋江叅禪



水許傳家

卷

家與堂



雙林渡燕青射鴈

李卓吾先生批評忠義水滸傳卷之九十

第九十回

五臺山宋江參禪

雙林渡燕青射鴈

詩曰

韓文叅大顛

東坡訪玉泉

僧來白馬寺

經到赤

烏年

葉葉風中樹

重重火裏蓮

無塵心鏡淨

只此是金仙

原來五臺山這箇智真長老是故宋時一箇當世的活佛
 知得過去未來之事數載之前已知魯智深是箇了身達
 命之人只是俗緣未盡要還殺生之債因此教他來塵世
 中走這一遭本人宿根還有道心今日起這箇念頭要來

參禪投禮本師宋公明亦然是素有善心時刻點悟因此
要同魯智深來參智真長老當時衆弟兄亦要同往宋江
難以阻當就與軍師衆皆計議只除公孫勝道教外可委
副先鋒掌管軍馬四哨無人可差金大堅皇甫端蕭讓樂
和一同盧俊義管領大隊軍馬陸續前進宋江與衆將只
帶一千人馬同魯智深來到五臺山下就將人馬屯扎下
營先使人上山報知宋江等衆弟兄都脫去戎裝慣帶各
穿隨身錦綉戰袍步行上山轉到山門外只聽寺內撞鐘
擊鼓衆僧出來迎接向前與宋江魯智深等施了禮數內
有認的魯智深的多又見齊齊整整百餘箇頭領跟着宋
江盡皆驚美不已當頭首座來稟宋江道長老坐禪入定

之際不能相接將軍切勿見罪恕責則箇遂請宋江等先
去知客寮內少坐供茶罷侍者出來請道長老禪定方回
已在方丈專候啓請將軍進來宋江等一行百餘人直到
方丈來參智真長老那長老慌忙降階而接邀至上堂各
施禮罷宋江看那和尚時六旬之上眉髮盡白骨格清竒
儼然有天台方廣出山之相衆人入進方丈之中宋江便
請智真長老上座焚香禮拜一行衆將都已拜罷魯智深
向前插香禮拜智真長老道徒第一去數年殺人放火不
易魯智深默默無言宋江向前道久聞長老清德爭耐俗
緣淺薄無路拜見尊顏今因奉詔破遼到此得以拜見堂
頭大和尚平生萬幸智深和尚與宋江做兄弟時雖是殺

人放火忠心不害良善善心常在今引宋江等衆弟兄來
參大師智真長老道常有高僧到此亦曾閑論世事循環
久聞將軍替天行道忠義於心深知衆將義氣爲重吾弟
子智深跟着將軍豈有差錯宋江稱謝不已有詩爲證
謀財致命克心重 放火屠城惡行多 忽地尋思念
頭起 五臺山上禮彌陀

魯智深將出一包金銀綵段來供獻本師智真長老道吾
弟子此物何處得來無義錢財決不敢受智深稟道弟子
累經功賞積聚之物弟子無用特地將來獻納本師以充
公用長老道衆亦難消與汝置經一藏消滅罪惡早登善
果魯智深拜謝已了宋江亦取金銀綵段上獻智真長老

長老堅執不受宋江稟說我師不納可令庫司辦齋供獻
本寺僧衆當日就五臺山寺中宿歇一宵長老設素齋相
待不在話下且說次日庫司辦齋完備五臺寺中法堂上
鳴鐘擊鼓智真長老會集衆僧於法堂上講法參禪須臾
合寺衆僧都披袈裟坐具到於法堂中坐下宋江魯智深
并衆頭領立於兩邊引磬響處兩碗紅紗燈籠引長老上
陞法座智真長老到法座上先拈信香祝讚道此一炷香
伏願今上天子萬歲萬萬歲皇后齊肩太子千秋金枝茂
盛玉葉光輝文武官僚同增祿位天下太平萬民樂業再
拈信香一炷願今齋主身心安樂壽筭延長日轉千階名
垂萬載再拈信香一炷願今國安民泰歲稔年和五穀豐

登三教興隆四方寧靜諸事禎祥萬事如意祝讚已罷就
 法座而坐兩下衆僧打罷問訊復皆侍立宋江向前拈香
 禮拜畢合掌近前參禪道某有一語敢問吾師智真長老
 道有何法語要問老僧宋江向前道請問吾師浮世光陰
 有限苦海無邊人身至微生死最大特來請問於禪師智
 真長老便荅偈曰

六根束縛多年四大牽纏已久堪嘆石火光中翻了幾
 箇筋斗喫闍浮世界諸衆生泥沙堆裡頻哮吼

長老說偈已畢宋江禮拜侍立衆將都向前拈香禮拜設
 誓道只愿弟兄同生同死世世相逢焚香已罷衆僧皆退
 就請去雲堂內請齋衆人齋罷宋江與魯智深跟隨長老

來到方丈內至晚間話間宋江求問長老道弟子與魯智
 深本欲從師數日指示愚迷但以統領大軍不敢久戀我
 師語錄實不省悟今者拜辭還京某等衆弟兄此去前程
 如何萬望吾師明彰點化智真長老命取紙筆寫出四句
 偈語

當風鴈影翻 東闕不團圓 隻眼功勞足 雙林福
 壽全

寫畢遞與宋江道此是將軍一生之事可以秘藏久而必
 應宋江看了不曉其意又對長老道弟子愚意不悟法語
 乞吾師明白開解以釋某心前程凶吉智真長老道此乃
 禪機隱語汝宜自參不可明說恐泄天機長老說罷喚過

李皇太子傳卷之九
四百四十一
智深近前道吾弟子此去與汝前程永別正果將臨也與
汝四句偈去收取終身受用偈曰

逢夏而擒 遇臘而執 聽潮而圓 見信而寂

魯智深拜受偈語讀了數遍藏於身邊拜謝本師智真長老道吾弟子記取其言休忘了本來面目說罷又歇了一宵次日宋江魯智深并吳用等衆頭領辭別長老下山衆人便出寺來智真長老并衆僧都送出山門外作別不說長老衆僧回寺且說宋江等衆將下到五臺山下引起軍馬星火趕來衆將回到軍前盧俊義公孫勝等接着宋江衆將都相見了宋江便對盧俊義等說五臺山衆人叅禪設誓一事將出禪語與盧俊義公孫勝看了皆不曉其意

蕭讓道禪機法語等閒如何省的衆皆嗟呀不已宋江傳令催趲軍馬起程衆將得令催起三軍人馬望東京進發在路行了數日五軍前進到一箇去處地名雙林渡宋江在馬上正行之間仰觀天上見空中數行塞鴈不依次序高低亂飛都有驚鳴之意宋江見了心疑作怪又聽的前軍喝采使人去問緣由飛馬回報原來是浪子燕青初學弓箭向空中射鴈箭箭不空却纔須臾之間射下十數隻鴻鴈因此諸將驚呀不已宋江教喚燕青飛馬前來這燕青頭戴着白范陽遮塵毡笠兒身穿着鶯黃紵絲袖襖騎一疋五明紅沙馬彎弓插箭飛馬而來背後馬上稍帶死鴈數隻來見宋江下馬離鞍立在一邊宋公明問道恰纔

你射鴈來燕青答道小弟初學弓箭見空中群鴈而來無
意射之不想箭箭皆中誤射了十數隻鴈宋江道爲軍的
人學射弓箭是本等的事射的親是你能處我想賓鴻避
暑寒離了天山銜蘆渡關趁江南地暖求食稻梁初春方
回此賓鴻仁義之禽或數十或三五十隻遞相謙讓尊者
在前卑者在後次序而飛不越群伴遇晚宿歇亦有當更
之報且雄失其雌雌失其雄至死不配不失其意此禽仁
義禮智信五常俱備空中遙見死鴈盡有哀鳴之意失伴
孤鴈并無侵犯此爲仁也一失雌雄死而不配此爲義也
依次而飛不越前後此爲禮也預避鷹鷂銜蘆過關此爲
智也秋南冬北不越而來此爲信也此禽五常是備之物

豈忍害之天上一群鴻鴈相呼而過正如我等弟兄一般
你却射了那數隻比俺弟兄中失了幾個衆人心內如何
兄弟今後不可害此禮義之禽燕青默默無語悔罪不及
宋江有感於心在馬上口占一首詩道

山嶺崎嶇水渺茫 橫空鴈陣兩三行 忽然失却雙
飛伴 月冷風清也斷腸

宋江吟詩罷不覺自己心中凄慘觀物傷情當晚屯兵於
雙林渡口宋江在帳中因復感嘆燕青射鴈之事心中納
悶叫取過紙筆作詞一首

楚天空濶鴈離群 萬里恍然驚散自顧影欲下寒塘正
草枯沙淨水平天 遠寫不成書只寄的相思一點暮日

此等舉動大是不祥

空濠曉烟古塹訴不盡許多哀怨棟盡蘆花無處宿嘆
何時玉關重見嘹唳憂愁嗚咽恨江渚難留戀請觀他
春晝歸來畫梁雙燕

宋江寫畢遞與吳用公孫勝看詞中之意甚是有悲哀憂
戚之思宋江心中鬱鬱不樂當夜吳用等設酒備肴飲酌
盡醉方休次早天明俱各上馬望南而行路上行程正值
暮冬景物淒涼宋江於路此心終有所感不則一日回到
京師屯駐軍馬於陳橋驛聽候聖旨且說先是宿太尉并
趙樞密中軍人馬入城宿太尉趙樞密將宋江等功勞奏
聞天子報說宋先鋒等諸將兵馬班師回京已到關外趙
樞密前來啓奏天子說宋江等諸將邊庭勞苦之事天子

聞奏大加稱贊就傳聖旨命黃門侍郎宣宋江等面君朝
見都教披掛入城且說宋江等衆將屯駐軍馬在於陳橋
驛聽候宣詔入朝黃門侍郎傳旨教宋江等衆將一百八
員都要本身披掛戎裝革帶頂盔掛甲身穿錦襖懸帶金
銀牌面從東華門而入都至文德殿朝見天子拜舞起居
山呼萬歲皇上看了宋江等衆將英雄盡是錦袍金帶惟
有吳用公孫勝魯智深武松身着本身服色天子聖意大
喜乃曰寡人多知卿等征進勞苦邊塞用心中傷者多寡
人甚爲憂戚宋江再拜奏曰皆托聖上洪福齊天邊庭寧
息臣等衆將雖有金傷俱各無事今已沙塞投降實陛下
仁育之賜再拜稱謝天子特命省院等官計議封爵太師

蔡京樞密童貫商議奏道方今四邊未寧不可陞遷且加
 宋江為保義郎帶御器械正受皇城使副先鋒盧俊義加
 為宣武郎帶御器械行營團練使吳用等三十四員加封
 為正將軍朱武等七十二員加封為偏將軍支給金銀賞
 賜三軍人等天子准奏仍勅與省院眾官加封爵祿與宋
 江等支給賞賜宋江等就於文德殿頓首謝恩天子命光
 祿寺大設御宴怎見的好宴但見

強盜安得如此遭際不可信不信刪之為是

香焚寶鼎花插金瓶掛蝦鬚織錦簾櫳懸翡翠銷金帳
 幙武英宮裏屏幃畫舞鶴飛鸞文德殿中御座描盤籠
 走鳳屏開孔雀列華筵君臣共樂禔隱芙蓉設御宴文
 武同歡珊瑚碟仙桃異果玳瑁盤鳳髓龍肝鱗鱗膾切

銀絲細細茶烹玉蕊七珍嵌筋好似碧玉琉璃八寶裝
 匙有如紅絲瑪瑙玻璃碗滿泛馬乳羊羔琥珀盃淺酌
 瑤池玉液合殿金花翠葉滿筵錦綉綺羅仙音院聽唱
 新詞教坊司吹彈歌曲幾多食味烹金鼎無限香醪瀉
 玉壺黃金殿上君王親賜紫霞盃白玉塔前臣子承恩
 沾御酒將軍邊塞久勞心今日班師朝聖主佳人齊賀
 昇平曲畫鼓頻敲得勝回

當日天子親賜御宴已罷欽賞宋江錦袍一領金甲一副
 名馬一疋盧俊義等賞賜盡於內府關支宋江與眾將謝
 恩已罷盡出宮禁都到西華門外上馬回營一行眾將出
 的城來直至行營安歇聽候朝廷委用次日只見公孫勝

直至行營中軍帳內與宋江等衆人打了稽首便稟宋江道向日本師羅真人囑付小道已曾預稟仁兄令小道送兄長還京師畢日便回山中學道今日兄長功名遂貧道亦難久處就今拜別仁兄辭了衆位即今日便歸山中從師學道侍養老母以終天年宋江見公孫勝說起前言不敢翻悔潸然淚下便對公孫勝道我想昔日弟兄相聚如花方開今日弟兄分別如花零落吾雖不敢負汝前言中心豈忍分別公孫勝道若是小道半途撇了仁兄便是貧道寡情薄意今來仁兄功名遂此去非貧道所趨仁兄只得曲允宋江再四挽留不住便乃設一筵宴令衆弟兄相別筵上舉盃衆皆嘆息人人洒淚各以金帛相贖公

孫勝推卻不受衆弟兄只顧打拴在包裡次日衆皆相別公孫勝穿上麻鞋背了包裹打箇稽首望北登程去了宋江連日思憶淚如雨下鬱鬱不樂有詩為証

數年相與建奇功 幹運玄機妙莫窮 一日浩然思

舊隱 飄然長往入山中

時下又值正旦節相近諸官准備朝賀蔡太師恐宋江人等都來朝賀天子見之必當重用隨即奏聞天子降下聖旨使人當任只教宋江盧俊義兩箇有職人員隨班朝賀其餘出征官員俱係白身恐有驚御盡皆免禮是日正旦

是○大○是

天子設朝百官朝賀宋江盧俊義俱各公服都在待漏院伺候早朝隨班行禮天子殿上簪纓玉帶文武大臣是日

容與堂藏板

不祥不祥

也說得

夫

是大是

駕坐紫宸殿受百官朝罷宋江盧俊義隨班拜罷於兩班
 侍下不能上殿仰觀殿上玉簪珠履紫綬金章往來稱觴
 獻壽自天明直至午牌方始得沾謝恩御酒百官朝散天
 子駕起宋江盧俊義出內卸了公服僕頭上馬回營面有
 愁顏赧色吳用等接着衆將見宋江面帶憂容心悶不樂
 都來賀節百餘人拜罷立於兩邊宋江低首不語吳用問
 道兄長今日朝賀天子回來何以愁悶宋江嘆口氣道想
 我生來八字淺薄年命蹇滯破遼受了許多勞苦今日連
 累衆弟兄無功我自職小官微因此愁悶吳用答道兄長
 既知造化未通何故不樂萬事分定不必多憂黑旋風李
 逵道哥哥好沒尋思當初在梁山泊裡不受一箇的氣却

今日也要招安明日也要招安討得招安了却惹煩惱放
 着兄弟們都在這里再上梁山泊去却不快活宋江大喝
 道這黑禽獸又來無禮如今做了國家臣子都是朝廷良
 臣你這厮不省得道理反心尚兀自未除李逵又應道哥
 哥不聽我說明朝有的氣受里衆人都笑且捧酒與宋江
 添壽是日只飲到二更各自散了次日引十數騎馬入城
 到宿太尉趙樞密并省院官各處賀節往來城中觀看者
 甚衆就裡有人對蔡京說知此事次日奏過天子傳旨教
 省院出榜禁約於各城門上張掛但凡一應有出征官員
 將軍頭目許於城外下營屯扎聽候調遣非奉上司明文
 呼喚不許擅自入城如違定依軍令擬罪施行差人賞榜

宋江傳

卷之九十一

逕來陳橋門外張掛榜文有人看了逕來報知宋江宋江轉添愁悶衆將得知亦皆焦燥盡有反心只碍宋江一箇有詩爲証

聖主爲治本無差 胡越從來自一家 何事憐人行

謬計 不容忠義入京華

胡說

且說水軍頭領特地來請軍師吳用商議事務吳用去到船中見了李俊張橫張順阮家三昆仲俱對軍師說道朝廷失信奸臣弄權閉塞賢路俺哥哥破了大遼止得箇皇城使做又未曾陞賞我等衆人如今倒出榜文來禁約我等不許入城我想那夥奸臣漸漸的待要拆散我們弟兄各調開去今請軍師自做箇主張和哥哥商量斷然不肯

野人不知道理

就這里殺將起來把東京劫掠一空再回梁山泊去只是落草到好吳用道宋公明兄長斷然不肯你衆人枉費了力箭頭不發努折箭桿自古蛇無頭而不行我如何敢自主張這話須是哥哥肯時方纔行得他若不肯做主張你們要反也反不出去六箇水軍頭領見吳用不敢主張都做聲不得吳用回至中軍寨中來與宋江閑話計較軍情便道仁兄往常千自由百自在幾多弟兄亦皆快活今來受了招安爲國家臣子不想到受拘束不能任用弟兄們都有怨心宋江聽罷失驚道莫不誰在你行說甚來吳用道此是人之常情更待多說古人云富與貴人之所欲貧與賤人之所惡觀形察色見貌知情宋江道軍師若是有

遠象箇
做頭的

第兄們但要異心我當死於九泉忠心不改次日早起會
集諸將商議軍機大小人等都到帳前宋江開話道俺是
鄆城小吏出身又犯大罪托賴你衆弟兄扶持尊我爲頭
今日得爲臣子自古道成人不自在自在不成人雖然朝
廷出榜禁治理合如此汝諸將士無故不得入城我等山
間林下鹵莽軍漢極多倘或因而惹事必然以法治罪却
又壞了聲名如今不許我等入城去到是幸事你們衆人
苦嫌拘束但有異心先當斬我首級然後你們自去行事
不然吾亦無顏居世必當自刎而死一任你們自爲衆人
聽了宋江之言俱各垂淚設誓而散有詩爲証

堪羨公明志操堅

矢心忠鯁少欹偏

不知當日秦

長脚 可愧黃泉自刎言

好點綴

宋江諸將自此之後無事也不入城看看上元節至東京
年例大張燈火慶賞元宵諸路盡做燈火於各衙門點放
且說宋江營內浪子燕青自與樂和商議如今東京點放
華燈火戲慶賞豐年今上天子與民同樂我兩箇便換些
衣服潛地入城看了便回只見有人說道你們看燈也帶
挈我則箇燕青看見却是黑旋風李逵李逵道你們瞞着
我商量看燈我已聽了多時燕青道和你去不打緊只吃
你性子不好必要惹出事來見今省院出榜禁治我們不
許入城倘或和你入城去看燈惹出事端正中了他省院
之計李逵道我今番再不惹事便了都依着你行燕青道

忘却已
前李師
師家故

如○此○想○頭○真○是○神○出○鬼○沒○怪○哉○文○人○之○口○文○心○無○所○不○到○如○是○如○是

明日換了衣巾都打扮做客客人相似和你入城去李逵大喜次日都打扮做客客人伺候燕青同入城去不期樂和潛與時遷先入城去了燕青洒脫不開只得和李逵入城看燈不敢從陳橋門入去大寬轉却從封丘門入城兩個手厮挽着正投桑家瓦來到瓦子前聽的拘欄內鑼響李逵定要入去燕青只得和他挨在人叢裡聽的上面說評話正說三國志說到關雲長刮骨療毒當時有雲長左臂中箭箭毒入骨醫人華陀道若要此疾毒消可立一銅柱上置鐵環將臂膊穿將過去用索拴牢割開皮肉去骨三分除却箭毒却用油線縫攏外用敷藥貼了內用長托之劑不過半月可以平復如初因此極難治療關公大笑道

兩○番○不○成○光○景○倒○添○百○倍

大丈夫死生不懼何況隻手不用銅柱鐵環只此便割何妨隨卽叫取碁盤與客奕棋伸起左臂命華陀刮骨取毒面不改色對客談笑自若正說到這里李逵在人叢中高叫道這箇正是好男子衆人失驚都看李逵燕青慌忙攔等叫李逵道說到這里不由人不喝采燕青拖了李逵便走兩箇離了桑家瓦轉過串道只見一箇漢子飛磚擲瓦去打一戶人家那人家道清平世界蕩蕩乾坤散了二次不肯還錢顛倒打我屋裡黑旋風聽了路見不平便要去勸燕青務死抱住李逵睜着雙眼要和他厮打的意思那漢子便道俺自和他有帳討錢于你甚事卽日要跟張招

討下江南出征去你休惹我到那里去也是死要打便和你厮打死在这里也得一口好棺材李逵道却是甚麽下江南不曾聽的點軍調將燕青且勸開了兩箇厮挽着轉出串道離了小巷見一箇小小茶肆兩箇人去裡面尋付座頭坐了吃茶對席有箇老者便請會茶開口論閑話燕青道請問丈丈却纔巷口一箇軍漢厮打他說道要跟張招討下江南早晚要去征進請問端的那里去出征那老人道客人原來不知如今江南草寇方臘反了占了八州二十五縣從睦州起直至潤州自號爲一國早晚來打揚州因此朝廷已差下張招討劉都督去剿捕燕青李逵聽了這話慌忙還了茶錢離了小巷逕遶出城回到營中

來見軍師吳學究報知此事吳用見說心中大喜來對宋先鋒說知江南方臘造反朝廷已遣張招討領兵宋江聽了道我等軍馬諸將閑居在此甚是不宜不若使人去告知宿太尉令其于天子前保奏我等情愿起兵前去征進當時會集諸將商議盡皆歡喜有詩爲証

屏迹行營思不勝 相携城內看花燈 偶從茶肆傳

消息 虎噬狼吞事又興

次日宋江換了些衣服帶領燕青自來說此一事逕入城中直至太尉府前下馬正值太尉在府令人傳報太尉聞知卽忙教請進宋江來到堂上再拜起居宿太尉道將軍何事更衣而來宋江稟道近因省院出榜但凡出征官軍

非奉呼喚不敢擅自入城今日小將私步至此上告恩相聽的江南方臘造反占據州郡擅改年號侵至潤州早晚渡江來打揚州宋江等人馬久閑在此屯扎不宜某等情愿部領兵馬前去征勦盡忠報國望恩相於天子前題奏則箇宿太尉聽了大喜道將軍之言正合吾意此乃爲國爲民之盛事下官當以一力保奏有何不可將軍請回來早宿某具本奏聞天子必當重用宋江辭了太尉自回營寨與衆弟兄說知却說宿太尉次日早朝入內見天子在披香殿與百官文武計事正說江南方臘作耗占據八州二十五縣改年建號如此作反自霸稱尊目今早晚兵犯揚州天子乃曰已命張招討劉光世征進未見次第宿太

尉越班奏曰想此草寇旣成大患陛下已遣張總兵劉都督再差破遼得勝宋先鋒這兩支軍馬爲前部可去勦除必幹大功天子聞奏大喜卿之所言正合朕意急令使臣宣省院官聽聖旨當下張招討從耿二叅謀亦行保奏要調宋江這一千人馬爲前部先鋒省院官到殿領了聖旨隨即宣取宋先鋒盧先鋒直到披香殿下朝見天子拜舞已畢天子降勅封宋江爲平南都總管征討方臘正先鋒封盧俊義爲兵馬副總管平南副先鋒各賜金帶一條錦袍一領金甲一副名馬一騎絲段二十五表裡其餘正偏將佐各賜段疋銀兩待有功次照名陞賞加受官爵三軍頭目給賜銀兩都就於內府閤支定限目下出師起行宋

此段雖
有
之
為
是

江盧俊義領了聖旨就辭了天子皇上乃曰卿等數內有
箇能鑄玉石印信金大堅又有箇能識良馬皇甫端留此
二人駕前聽用宋江盧俊義承旨再拜仰觀天顏謝恩出
內上馬回營宋江盧俊義兩箇在馬上歡喜並馬而行出
的城來只見街市上一箇漢子手裡拿着一件東西兩條
巧棒中穿小索以手牽動那物便响宋江見了却不識的
使軍士喚那漢子問道此是何物那漢子答道此是胡敲
也用手牽動自然有聲宋江乃作詩一首

一聲低了一聲高 嘹唳聲音透碧霄 空有許多雄

氣力 無人提處謾徒勞

宋江在馬上與盧俊義笑道這胡敲正比着我和你空有

衝天的本事無人提挈何能振響叫左右取些碎銀賞了
調胡敲的自去兩箇並馬閑話宋江餘意不盡在馬上再
作詩一首

玲瓏心地最虛鳴 此是良工巧製成 若是無人提

挈處 到頭終久沒聲名

盧俊義道兄長何故發此言據我等胸中學識雖不在古
今名將之下如無本事枉自有人提挈亦作何用宋江道
賢第差矣我等若非宿太尉一力保奏如何能勾天子重
用聲名冠世為人不可忘本盧俊義自覺失言不敢回話
兩箇回到營寨陞帳而坐當時會集諸將盡數收拾鞍馬
衣甲准備起身征討方臘次日於內府閑到賞賜沒足銀

兩分表諸將給散三軍頭目便就起送金大堅皂靴端去
御前聽用宋江一面調撥戰船先行着令水軍頭領自去
整頓篙櫓風帆撐駕望大洋進發傳令與馬軍頭領整頓
弓箭鎗刀衣袍鎧甲水陸並進船騎同行收拾起程只見
蔡大師差府幹到營索要聖手書生蕭讓次日王都尉自
來問宋江求要鉄叫子樂和聞此人善能歌唱要他府裡
使令宋江只得依允隨卽又起送了二人去訖宋江自此
去了五箇弟兄心中好生鬱鬱不樂當與盧俊義計議定
了號令諸軍準備出師却說這江南方臘起義已久卽漸
而成不想弄到許大事業此人原是歙州山中樵夫因去
溪邊淨手水中照見自己頭戴平天冠身穿袞龍袍以此

氣象
比
象
山
比
氣
象
比
氣
象
比

向人道他有天子福分因而造反就清溪縣內幫源洞中
起造寶殿內苑宮闕睦州歙州亦各有行官仍設文武職
臺省院官也內相外將一應大臣睦州卽今時建德宋改
爲嚴州歙州卽今時婺源宋改爲徽州這方臘直從這里
占到潤州今鎮江是也共該八州二十五縣那八州歙州
睦州杭州蘇州常州湖州宣州潤州那二十五縣都是這
八州管下此時嘉興松江崇德海寧皆是縣治方臘自爲
國主仍設三省六郡臺院等官非同小可不比嘯聚山林
之輩原來方臘上應天書推背圖上道自是十千加一點
冬盡始稱尊縱橫過浙水頭跡在吳興那十千乃萬也頭
加一點乃方字也冬盡乃臘也稱尊者乃南面爲君也正

應方臘二字占據江南八郡又比遼國差多少來去再說
宋江選日出師相辭了省院諸官當有宿太尉趙樞密親
來送行賞勞三軍水軍頭領已把戰船從泗水入淮河望
淮安軍霸俱到揚州取齊宋江盧俊義謝了宿太尉趙樞
密拈了上路將軍馬分作五起取捍路投揚州來於路無
話前軍已到淮安縣屯扎當有本州官員置筵設席等接
宋先銑到來請進城中管待訴說方臘賊兵浩大不可輕
敵前面便是揚子大江九千三百餘里迤流入海此是江
南第一箇險隘去處隔江却是潤州如今是方臘手下樞
密李師囊并十二箇統制官守把住江岸若不得潤州爲
家難以抵敵宋江聽了便請軍師吳用計較良策卽目前

頭人江攔截作何可渡破遼國時都是伴路水軍頭領不
曾建的功勞今次要渡江南須用水軍船隻向前吳用道
揚子江中有金焦二山靠着潤州城郭可叫幾箇弟兄前
去探路打聽隔江消息用何船隻可以渡江宋江傳令教
喚水軍頭領前來聽令你衆弟兄誰人與我先去探路打
聽隔江消息用何良策可以進兵只見帳下轉過四員戰
將盡皆愿往不是這幾箇人來探路有分教橫屍似北固
山高流血染揚子江赤潤州城內直須鬼哭神嚎金山寺
中從使天翻地覆直教大軍飛渡烏龍嶺戰艦平吞白鴈
灘畢竟宋江軍馬怎地去收方臘且聽下回分解

此一回內京師留下四員將佐

金大堅

皇甫端

蕭讓

樂和

辭別歸山一員將佐

公孫勝

李贇曰可笑蔡京那班人不通世務把梁山這些人馬放在京華是分明移梁山泊到天子身邊也萬一非宋公明有以收拾之禍豈在江南方臘哉

李早吾先生批評忠義水滸傳卷之九十

